

ZAPISNIK SA 18. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 26.01.2021. GODINE

Prisutni: Damir Smital; Neda Tadić; Džemal Kahrica; Elvis Čengić; Ekrem Agić; Edis Fočo; Rifat Kukić; Dragan Miljević; Merima Kurtović Pašalić; Josip Sogović; Samir Gadžo; Mubera Herac Nihad Arnautović; Mustafa Baručija; Sadin Kavazović; Mensud Grbo
Odsutni: Omer Bukić - **opravdano**

Dnevni red:

1. Zapisnik sa 17. sjednice
2. Aktuelna situacija u BHRT-u
 - sastanci sa menadžmentom
 - sastanak sa Sindikatom BH Pošte
3. Finansije
 - Izvještaj blagajnika (D. Karšić)
 - Adriatic
 - Izvještaj u kupovini bonova za djecu članova (Dž.Kahrica)
 - Izvještaj u utrošenim sredstvima za penzionere (E. Čengić)
 - Ambulanta RTV doma
4. Pomoć
5. Razno
 - Memorijalna ploča

AD 1. Dž.Kahrica je na osnovu člana 35. Statuta Samostalnog sindikata radnika u BHRT-u, u 12.37. sati otvorio 18. sjednicu UO SSR u BHRT-u Dnevni red je jednoglasno usvojen. Zapisnik sa 17 redovne sjednice UO sindikata je usvojen sa 15 glasova za i 1 suzdržanim.

AD 2. Dž.Kahrica je informisao sindikat da je 11.01.2020. godine održan sastanak sa pomoćnikom za razvoj na kojem su prustni bili D.Smital, N.Tadić i Dž.Kahrica. Sindikat je dobio informaciju da je zdravstveno osiguranje plaćeno do novembra 2020.godine dok je PIO uplaćen do jula prošle godine.

Tokom februara mjeseca bi trebao biti objavljen javni poziv za restoran u RTV Domu dok će se u narednom period osposobiti snekovi i aparati za kafu kao prelazno rješenje dok se ne završi problem sa restoranom. Restoran bi trebao početi sa radom početkom ili sredinom mjeseca marta. Prema riječima pomoćnice za razvoj, od bonova koji se spominju u RTV Domu nema ništa. Rampa na parkingu je u funkciji za sve uposlenike RTV Doma.

Menadžment je saglasan za rekonstrukciju spomen ploče ubijenim radnicima i kao predstavnika koji će pomoći u izradi su predložili koleginicu sa scene A.Bučo. Menadžment će finansirati sa sindikatom rekonstrukciju spomen ploče.

D.Smital je 13.01.2020.godine održao sastanak sa pomoćnikom za razvoj Dženitom Jusufbegović na kojem je dogovoreno da se formiraju grupe u vezi pregovora o kolektivnom ugovoru. Termin nije dogovoren zbog bolovanja D.Smitala koji je slomio ruku dan nakon sastanka. D.Smital je još jednom postavio upit o bonovima i još jednom je rečeno da se neće djeliti bonovi umjesto toplog obroka.

N.Tadić je informisala UO da je održan sastanak predstavnika sindikata (D.Smital i N.Tadić) sa predsjednikom sindikata BH Pošte i da su ga upoznali sa situacijom u kojoj se radnici BHRT-a nalaze kao i sa njihovim primanjima i uslovima rada. Prema riječima predsjednika sindikata BH Pošte, oni su spremni na bilo koji način kao sindikat pomoći radnicima BHRT-a. Na sastanku je rečeno da je radnicima koji rade na šalteru zabranjeno pomaganje u ispunjavanju bilo koje uplatnice, ali ne mogu zabraniti kupovinu i plaćanje preko uplatnice. Sindikat BH Pošte će uputi dopis svim svojim članovima da budu solidarni i da urade sve što mogu kako bi se naplata RTV takse povećala. Također, kontaktirati će granske sindikate kako bi se na Federalnom nivou pokušao naći način da se rtv taksa uvrsti u Zakon o izvršnom postupku. N.Tadić je istakla da je sastanak bio optimističan i konstruktivan.

Dž.Kahrica je informisao UO sindikata da je J.Sogović uputio zahtjev za vanrednu sjednicu. Dan poslije D.Smital je o tome obavjestio kolegij koji je, sa 3 glasa za, a jedan nije glasao, donio odluku da se ne održava vanredna sjednica obzirom da je redovna planirana za 7-10 dana i da nema tačaka zbog kojih bi se zakazivala vanredna sjednica. D. Smital je o odluci kolegija istog dana obavjestio J. Sogovića putem e-maila.

Nakon što je kolegij usaglasio dnevni red za ovu sjednicu, Dž.Kahrica je informisao UO da ga je J.Sogović kontaktirao nakon što je materijal za sjednicu poslan svim članovima da će on material pripremiti i podijeliti na sjednici svim članovima.

Dž.Kahrica je još jednom napomenuo da se poštuje poslovnik o radu UO zbog samog materijala i pripreme sjednica.

J.Sogović je obrazložio o kakvom se materijalu radi, naime on je pripremio za UO sve ono što mu je kolega A.Sofić tražio od njega kao predstavnika snimatelja i u dopisu prenio riječi A.Sofića.

E.Čengić je predložio da se ovaj dopis skine sa rasprave i dnevnog reda obzirom da on kao povjerenik podružnice nije dobio nikakav potpisan i ovjeren papir od strane A.Sofića, kao i da A.Sofić nije prisutan na današnjoj sjednici. Isto tako je naglasio da je dosta stvari koje su navedene u ovom dopisu posao menadžmenta i ne želi o tim stvarima raspravljati.

Nakon duže rasprave J.Sogović se saglasio da se glasa o prijedlogu E. Čengića. U raspravi su još učestvovali D.Miljević, Dž.Kahrica, E.Čengić, R.Kukić, M.Kurtović-Pašalić. Prijedlog E.Čengića je usvojen sa 13 glasova za, 1 protiv i 2 suzdržana.

N.Tadić je pripremila dopis menadžmentu u kojem se između ostalog zahtijeva od upravljačkih struktura BHRT-a da se insistira da uposlenici naše kuće poštuju zakone u Bosni i Hercegovini, akte BHRT-a i presude nadležnih sudova.

Ovaj prijedlog N.Tadić je jednoglasno usvojen.

Dž.Kahrica je dobio informaciju od generalnog direktora da dokumentarni program na BH Radiju nastavlja sa radom i da je od urednika M.Ovčine traženo da dostavi sve što neophodno u skladu sa aktima BHRT i propisima RAK-a.

E.Čengić je predložio da se stavi van funkcije zaključak sa 17.sjednice o dopisu OHR-u, a obzirom da je prošlo više od mjesec dana i da ga on kao izvršni sekretar nije dobio od predlagača. R.Kukić je naveo da nije dobio sve potrebne informacije koje su obećane i zbog procesa smjene visokog predstavnika nije urađen dopis. UO je jednoglasno usvojio da se prijedlog dopisa OHR-u stavlja van snage a isti će biti ponovno na dnevnom redu kada se imenuje novi Visoki predstavnik.

D.Smital je napustio sjednicu UO u 13.42.sati.

AD 3. Blagajnički izvještaj D.Karšić za decembar 2020. godine je primljen k znanju.

-M.Herac je izvjestila UO sindikata da je u mjesecu decembru evidentirano 11 registracija vozila u Adriatic osiguranju.

Uplaćen je povrat od Adriatic osiguranja u iznosu 1364,87 KM.

-Dž.Kahrica je podnio izvještaj o kupovini bonova za djecu članova. Jednoglasno je usvojena Odluka o utrošku sredstava za kupovinu poklon bonova za djecu članova SSR u BHRT-u u iznosu od 3332,00 KM. Preostali dio od 10 bonova po 20 KM se dodjeljuje Komisiji za dodjelu pomoći.

-E.Čengić je podnio izvještaj o utrošenim sredstvima za penzionere. Jednoglasno je usvojena Odluka o utrošku sredstava za poklone članovima sindikata koji su otišli u penziju u iznosu od 2800 KM.

-N.Tadić je predložila da se odobre sredstva za kupovinu neophodnog medicinskog materijala za ambulantu RTV Doma.

UO je jednoglasno usvojio zaključak da se odobre sredstva u iznosu do 100KM za kupovinu medicinskog materijala. Za realizaciju zaključka zadužena je Neda Tadić koja će na sljedećoj sjednici UO podnijeti izvještaj. E.Čengić je predložio da se organizuje zajednički sastanak delegacija sva tri sindikata u RTV Domu kako bi se organizovali oko kupovine potrebnog materijala za ambulantu u budućnosti. Ovaj prijedlog je jednoglasno usvojen.

-E.Čengić je pripremio dopis u vezi rada ambulante u RTV Domu, koji bi se poslao direktoru Doma zdravlja kojoj naša ambulanta pripada i ministru zdravstva KS. Ovaj prijedlog je jednoglasno usvojen.

-E.Čengić je pripremio i zahvalnicu koju je uradila A.Sadžak za doktoricu i mišljenja je da bi se sindikat ovim malim gestom zahvalio doktorici za njen rad tokom pandemije Corona virusa. Nakon kraće rasprave, UO Sindikata je jednoglasno usvojio zaključak da se odobre sredstva da se uradi zahvalnica za doktoricu i kupi cvijeće za doktoricu i medicinsku sestru u RTV Domu. Za realizaciju je zadužena Mubera Herac koja će na sljedećoj sjednici UO podnijeti izvještaj.

AD 4. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec januar 2021.godine dobiju slijedeći članovi: Garić Dejan 500KM (I dio), Džindo Jusuf 500KM (I dio), Hodžić Nermin 200KM (I dio), Karšić Amel 300KM, Čilić Mladen 300KM. Ukupno 1800,00KM.

Za rođenje djeteta poklon bon u iznosu od 200KM (Konzum bonovi) komisija je predložila Teletović Melisu
Prijedlog komisije je usvojen sa 14 glasova za, jedan član UO nije glasao.

AD 5. Dž.Kahrica je još jednom upoznao UO da je menadžment za rekonstrukciju spomen ploče i da će finansijski učestvovati sa sindikatom. E.Čengić je neformalno razgovarao sa N.Husićem i I.Pjanićem o ovoj inicijativi i predložio je UO da se napravi kratki sastanak u vezi ove inicijative kako bi se tražilo rješenje u skladu sa finansijama. Nakon kraće rasprave Dž.Kahrice i E.Čengića, UO je podržao jednoglasno da se obave razgovori sa ostala dva sindikata u RTV Domu u vezi inicijative rekonstrukcije spomen ploče i nakon toga da se kontaktira menadžment.

J.Sogović je istakao problem alkoholizma pojedinih uposlenika na terenu i postavio pitanje da li se kodeksom o ponašanju u BHRT-u regulišu i ovakve stvari. Nakon kraće rasprave u kojoj su učestvovali Dž.Kahrica, E.Čengić, N.Tadić, UO sindikata je usvojio zaključak Dž.Kahrice da se na prvom sljedećem sastanku sa menadžmentom skrene pažnja na sve učestalije događaje i probleme sa alkoholom u RTV Domu i na terenu.

Dž.Kahrica je zaključio 16.sjednicu UO Sindikata u 14.55.sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Potpredsjednik
SAMOSTALNOG SINDIKATA
RADNIKA U BHRT-u
Džemal Kahrica